



Alversund Montessoribarnehage AS
Alvermarka
5911 ALVERSUND

Referanser:
Dykkar:
Vår: 17/1728 - 17/32668

Saksbehandlar:
Astrid Namtvedt Sylta
syas@lindas.kommune.no

Dato:
20.11.2017

Rapport frå tilsyn i Alversund Montessoribarnehage 15.11.2017

Alversund Montessoribarnehage er ein privat barnehage i Lindås. Det er barnehagen / barnehageeigar som er målgruppa for tilsynsrapporten. Rapporten skal beskrive tema for tilsynet, formidle dei rettslege krava, kva vi har undersøkt, våre vurderingar og kva vi har konkludert med.

Tema for tilsynet

Det er gjennomført tilsyn med Alversund Montessori barnehage der temaet var, sitat rammeplan:

- *Barnehagen skal fremje kommunikasjon og språk*
- *Kommunikasjon, språk og tekst.*

Tilsynsmynde har vurdert om barnehagen har ei drift som er lovleg og forsvarleg i høve til Barnehagelova og forskrift.

Før tilsynet vart gjennomført ba Lindås kommune om å få tilsendt fylgjande dokumentasjon:

- Barnehagen sin årsplan
- Anna relevant dokumentasjon i høve til tema språk og kommunikasjon
- Plan for implementering av ny rammeplan, fokus på språk og kommunikasjon
- Kompetanseplanar

Formålet med tilsyn/rettslege krav

§ 16. Tilsyn

Kommunen fører tilsyn med virksomheter etter denne lov.

Kommunen kan gi pålegg om retting av uforsvarlige eller ulovlige forhold ved godkjente eller godkjeningspliktige virksomheter. Hvis fristen for å etterkomme pålegget ikke overholdes, eller hvis forholdet ikke lar seg rette, kan kommunen vedta tidsbegrenset eller varig stenging av virksomheten. Kommunens stengingsvedtak skal sendes fylkesmannen til orientering.



I stedet for eller i tillegg til stenging av virksomheten, kan kommunen bruke økonomiske reaksjoner overfor ikke-kommunale barnehager dersom krav etter § 14 a, eller forskrift i medhold av samme bestemmelse, ikke er overholdt.

Vedtak om retting og stenging og vedtak om anvendelse av økonomiske reaksjonsmidler kan påklages til fylkesmannen.

Tilsynet er dei aktivitetar som kommunen utøver for å sikre seg at barnehagane vert drivne i høve til krav i Barnehagelova og forskrift. I tillegg til å kontrollere om lovverket vert følgd, er det eit tilsynsansvar å gjere faglege vurderingar og gje rettleiing. På nokre område gjev lova detaljerte føringar, medan det på andre område er ope for skjønn.

I tilsynsoppgåva ligg det at det skal førast kontroll med at barnehagane følgjer gjeldande regelverk, og at det vert gitt reaksjonar når ikkje krav vert oppfylte.

Rapporten omhandlar resultat frå tilsynet som var meldt 19.10.2017 og som var gjennomført 15.11.2017.

Gjennomføring av tilsynet

Tilsynet er gjennomført ved å hente inn og vurdere dokumentasjon. Det er også gjennomført synfaring i barnehagen og intervju / samtale etter oppsett plan.

Oversikt over personer som vart intervjuet i tilsynet :

Namn	Stilling
Inge Litleskare	Eigar
Hildegunn Fosse	Styrar
Katy Bergetun	Pedagogisk leiar
May Britt Brendehaug	Assistent småbarn
Simen Ødegård Vikdal	Foreldrerepresentant

Tilsynet var gjennomført av Astrid Namtvedt Sylta, Lindås kommune og Åshild Hope Herland, Austrheim kommune.

Våre vurderingar

I tilsynsbesøket møtte tilsynsmynde representantar frå dei ulike yrkesgruppene i barnehagen. På den måten fekk ein som mynde ei oversikt over kva kompetanse som er i personalgruppa. Gjennom synfaring på alle avdelingane fekk ein sjå korleis dei la til rette for eit godt språkmiljø.

Barnehagen har i fleire år hatt språk som eit satsingsområde. Gjennom montessoripedagogikken vert det jobba systematisk med språk i «arbeidstida». Bevisst bruk av materiale og progresjon frå liten til stor avdeling, kom tydeleg fram.

På avdelingane vektla dei språkarbeidet slik, tilpassa etter alder:

- Snakka mykje med barna, mykje god dialog.
- Dialogisk lesing, dette vil alle avdelingane ha større fokus på etter nyttår.
- Mykje song.
- Les for barna, litterære samtalar. Eitt personalet har delteke på *Nynorske lesefrø* i regi av biblioteket. Barnehagen får jamleg bokkassar med nynorske bøker frå biblioteket. Dette var knytt til kultur og identitet.
- Nytt *teikn til tale* som forsterking av språket. Foreldre får heim månadens teikn!
- Barnehagen er i startgropa i arbeidet med *språkløyper*.
- Barnehagen nyttar *Tras og Alle med* for å sikre at dei «ser» alle barna. Dette vert brukt i forståing med foreldre.
- Gjennom montessorimetodikken har barnehagen gode system for å dokumentere barna si språkutvikling.

I samtale med foreldrerepresentanten kom det fram at han sakna meir fokus på digital praksis i barnehagen. I den nye rammeplanen har dette tema fått ein meir sentral plass, og er noko alle barnehagar må ta tak i. Foreldrerepresentanten, som jobbar med IKT, var positiv til å hjelpe barnehagen i denne prosessen.

Det kom fram i tilsynet at barnehagen streva med å finne tid og form til faste avdelingsmøter. Dette er viktig å få på plass for å sikre at at heile personalet får ei felles forståing og eit eigarforhold til arbeidet i barnehagen. Utan tid til planlegging, vurdering og og refleksjon kan barnehagen vanskeleg vere ein lærande organisasjon.

Den nye rammeplanen har vorte meir tydeleg på rollefordeling mellom eigar, styrar og pedagogisk leiar. Dette hadde tilsynsmynde fokus på i samtale med den einskilde representanten.

Lindås kommune er språkkommune. Språk er tema i alle styrarsamlingar, og vil såleis stå på dagorden jamleg. Gjennom deltaking på styrarsamlingane vil styrar i Alversund Montessoribarnehage få påfyll og vere orientert om språkarbeidet og prioriteringane frå kommunen.

Konklusjon

Etter tilsyn i Alversund Montessoribarnehage 15.11.2017 ser ein at det vert jobba godt med språk og kommunikasjon på alle avdelingane. For å sikre at arbeidet med språk i barnehagen vert ein naturleg del av arbeidet som skal vidareførast i skulen, rår tilsynsmynde til at barnehagen jobbar meir systematisk med dialogisk lesing på alle avdelingane. Dialogisk lesing og metodane som vert nytta i leseopplæring i 1.klasse byggjer på same prinsipp, og ein vil på den måten sikre progresjon.

Barnehagen fekk informasjon om bruk av leselogg for å sikre at det vert lese for alle barna. Forsking viser at det vert lese meir for jenter enn gutar i barnehagen.

Barnehagen må og arbeide med å finne ei god form for jamlege avdelingsmøter.

Samsvar med Barnehagelova

Tilsynsnemnda har i tilsyn med Alversund Montessoribarnehage ikkje avdekka lovbrøt.

Med helsing

Kristin Moe
kommunalsjef

Astrid Namtvedt Sylta
rådgjevar oppvekst

Dette dokumentet er elektronisk godkjent og har difor ingen signatur.

Mottakarar:

Alversund Montessoribarnehage AS Alvermarka

5911

ALVERSUND